

U.S. Ambassador Judith R. Fergin
TLDPM Closing Session Statement
June 20, 2013

Distintu convidadus sira hotu,

Timor-Leste halo ona progresu boot teb-tebes, no parabens ba Governu no nia Povu. New Deal, planu stratéjiku ba dezenvolvimentu, no planu governu nian ba tinan lima (5) fo ona mai ita estrutura ne'ebé ita presiza. Situasaun siguransa ne'ebé fó oportunidade mai ita atu konsentra ba dezenvolvimentu no oinsa it abele hadi'ak ita nia prosesu, ajusta ita nia programa sira, no garánte katak ita nia orsamentu bele atende ita nia ambisaun sira.

Hanesan ita hotu konkorda katak nesesidade sira hotu ne'e importante no urjente. Wainhira ita halo paisajem haleu país, ita bele nota kresimentu husi prezensa governu nian iha fatin hotu liu husi eskola primária sira, ekstensaun agríkola, eskritório sira, no oras ne'e médiku graduadu ne'ebé nia numeru aumenta ba bei-beik.

Ita bele haree diferensia entra sidade capital no distritu sira. Ita bele haree inan sira no oan sira ne'ebé nia vida ita bele salva liu husi ita nia servisu. Ita haree jovem atus ba atus buka edukasaun ne'ebé sira presisa atu nune'e bele partisipa ho susesu iha ekonomia modernu no demokrasia nian. Ita hare'e agrikulto sira foti risku atu halo mudansa husi sistema tradisional ba sistema ne'ebé orientadu ba merkadu. Ita haree mane forte no fetu forte sira, hamri'ik atu defende paz no rekonsiliaun i kontra violensia doméstika.

Diskusaun husi TLDPM ba tinan ida ne'e nian iha valor boot teb-tebes. Ami hein atu kontinua ita nia diskusaun sira kona ba tinan dezenvolvimentu ida ne'e nian. Ami nia odamantan nafatin nakloke ba oportunidade sira atu bele tuur hamutuk regulármente atu koordena no atualiza, iha setór ida-idak no iha nivél polítika nian, ho iha mid-term review. Ami hein atu kontinua halo diskusaun kona ba oinsa atu halo balansu ba troka entre prosesu vital mas ba tempu naruk, ba kapasitasaun rekursu humanu no institusional no nesesidade urjente atu hato'o resultadu ba povu Timor-Leste. Nune'e, bazeia ba New Deal ida ne'e, ami hakarak atu servisu hamutuk atu "fáhe" prioridade sira atu nune'e ita bele resolve problema práttiku sira hanesan gestaun ba viaturas ou refrijeramentu ba aimoruk sira, buat ne'ebé bele limita ita nia susesu se karik ita haluha sira ne'e.

Estadus Unidus kontente atu servisu hamutuk ho parseiru internacional sira ba dezenvolvimentu Timor-Leste nian no ho ita boot sira hotu---governu, setór privadu, sociedade sivil, no povu Timor-Leste.

Obrigada.